

SCRIPTA

Numéro Scripta : 1734

Auteur(s) : Michel de Fommuchon, sergent du roi au pays d'Ouche [autre]

Bénéficiaire(s) : Beaumont-le-Roger, Sainte-Trinité, dépendance Le Bec (prieuré)

Genre d'acte : charte

Authenticité : non suspect

Datation : 1263, mai

Action juridique : vente

Langue du texte : latin

Analyse

Michel de Fommuchon, sergent du roi au pays d'Ouche, vend au prieuré la redevance annuelle de 4 sols qu'il avait achetée de Guillaume Goche.

Tableau de la tradition

Éditions principales

- a. Delisle Léopold, Passy Louis, *Mémoires et notes de M. Auguste Le Prévost pour servir à l'histoire du département de l'Eure*, Évreux, Hérissé, 1862-1869, 3 vol., t. 2, p. 192.
- b. Deville Étienne, *Cartulaire de l'église de la Sainte-Trinité de Beaumont-le-Roger*, Paris, Champion, 1912, n° LXXVII, p. 62.

Texte établi d'après b

Noverint universi presentes litteras inspecturi, quod ego Michael de Fommichon tunc serviens domini regis in Occa vendidi et concessi, et per presentem cartam confirmavi viris religiosi priori et conventui Sancte Trinitatis de Bellomonte Rogeri in feodo et elemosina eorumdem, pro triginta septem solidis et duobus denariis Turonensibus, quos ab eisdem pre manibus recepi, et de quibus me tenui et teneo propagato, renunciando omni exceptioni pecunie non numerate, non tradite, non solute, quatuor solidos annui redditus, quos emeram a Guillelmo Gosche, dicto Hocart, super hereditatem Roberti et Gaufridi, fratrum predicti Guillelmi, apud Lehamel sitam, in parochia Beate Marie de Guteriis, tenendum et habendum imperpetuum predictis religiosi et eorumdem successoribus, cum toto jure et dominio quod mihi et heredibus meis ratione dicti redditus posset evenire, bene et in pace, libere et integre, ad natale Domini annuatim, absque reclamacione seu contradicione vel impedimento de cetero mei vel heredum meorum. Et ego et heredes mei tenemur predictis religiosi dictum redditum, cum pertinentiis, garantizare et deliberare contra omnes. In cujus rei testimonium, presentem cartam sigilli mei munimine roboravi, et cartam super emptione mea confectam presenti carte annexavi, eisdem tradidi et dimisi. Actum anno Domini M° CC° LX° tercio, mense Maii. Testibus : Theobaldo de Salerne, Ricardo Belvacensi presbyteris ; Guillelmo, tunc domini regis serviente ; Davide, barbitonsore ; Radulfo Le Petit ; Martino, filio meo ; Ricardo Anglico, cum pluribus aliis.